

治前
丁氏宗譜


別字號

卷之三十一

行傳

生






恭祝

善齋先生八十壽序

八千歲曰春適際春陽之始三十日爲月又當月
正之終斯時也風蕩七藍雪飛三素輕黃柳綠眼
自然舒淺絳梅綃眉何曾歛星開鐵鎖看來旬日
之前露滿銅盤飲至八風而後續柏葉椒花之頌
便足延齡歌紫莖綠蒂之詩剛逢上壽蓋正月二
十五日爲

善齋先生八旬初度也萊衣繞膝欲逼青雲梁案



齊眉火藏絳雪星臨太甲業焜耀於五雲慶展降
寅更鱗集夫多士人或章成似錦三祝並伸我何
墨惜如金一辭莫贊第以丁年負笈肄業黃宮庚
日陳經叨部義塋分金蓮之一席竿原濫吹萃玉
荀以同堂鐘還待叩何況萍蹤偶合向未傾蓋以
譚心槐里屢經終歉入林而把臂卽欲託諸豪素
曷敢漫爲雌黃但去臘令甥屢斲握槩新正賢阮
又丐捉刀索兩部之蛙鳴揚千齡之鶴算竊恐管
中窺豹原無補於高明海上測蠡轉貽羞於大雅

蓋先生者族出箕川迨

南山公始圖遷徙度地排山之側卜宅廻石之濱莊

曾近郭郡屬濟陽刻木養親世四人之孝思永錫

夢松生腹十八公之佳兆常徵登虎觀以校經名

高漢殿入芸窗而學易師事田何紹此家風宜登

仕版顧乃情輕軒冕性癖山林亦曾勗以詩書而

餽貧之糧易盡非不納於軌物而致富之策難忘

尤賴

孺人鄭氏黽勉同心既得寸而得尺慤懃課子亦

乃武而乃文仁三鳳以冲霄順風可遇蔭一椿而
被隴接壤堪期婚嫁兩全向平之願已了與輪交
美張老之頌允傳而且雀角能平解紛不利其倒
廩蠅頭盡淡公帑敢潤乎私囊入則含飴弄孫優
游福地出則搘筇喚侶流覽仙都洵所謂與溪山
作主賓受煙霞之供養者矣今則人稱曰耄不待
疑年境值而康又逢勝日幸一

人之首出署九品之頭銜子婦稱觴孫曾舞綵唱無
愁之曲思此樂兮未央填紇那之辭願主翁兮長

作英爲霸館職莫迹私棕擬遣孫枝代伸賀悃如

山如阜業取義於九盤杖國杖朝更借觀於五老

則此日年齊尙父雖未載酒以介糜他時算軼羅

侯定許躋堂而稱兕爰爲之頌曰壽兮壽兮天所

豐壽兮壽兮地所鍾壽兮壽兮人所重在天兮爲

南極之兆在地兮爲南山之島在人兮爲錢鏗之

老君得天兮滿百斯年君得地兮貲產豐贍君得

人兮子秀孫賢予聞君兮爲人積善予知君兮爲

地行僊予祝君兮福壽綿延

皆

龍飛咸豐二一年歲次壬子端月下澣穀旦

歲進士候選儒學訓導雲樵趙維英頓首拜撰

鄭兆卿 樓成周 馬西來 鄭日多


豐族耀清 朱朝英 胡周賓 鄭冠卿

施其傳 朱承聰 沈思濂 李樹楹

麻日增 胡朝恩 陳仲芳 陳大璋

虞 檯 謝希莊 李時炳 徐文藻

楊光鱸 周尚文 呂占熊 李景熊



鄭甸南 施廷勳 盧際鎔 樊殿光

施廷洵 朱桐 楊國棟 陶錫玠

王 繹 朱琦 施汝清 應謙

陳克滿 呂成雄 趙步雲 李庚

章文耀 馬汝魁 朱自南 沈懷洛

鄭錫疇 鄭國華 楊士芳 朱作元

虞燮 馬朝雄 施汝周 陳虞封

楊殿楹 陶國鎔 尙得璜 趙祥

陳炳煌 樊培榮 馬用賓 盧青

朱定朝 孫姚炳

姪壻施聖斗 鄭水心

子壻施連寅 鄭輔周


甥婿盧國楷

族弟棣安 松年 芷升

族姪 日暄 鴻翔

仝頓首拜

瀑川侍教孫曾傳薰沐敬書



奉祝

慎庵公八十壽序

昔董子有云壽者酬也自行可久之道者其壽酬
於人非若山澤之臞掘草烹石以自私其筋骨它
人莫利己獨以愉智狹者反嚮言之而以爲壽且
神也若吾宗臺慎庵翁者其殆行可久之道而
獲所醜於天者耶翁性純篤樂施捨其待族姻
也睦處里黨也和於劬書說學之士有加禮焉初
父樸誠公舊居笕川力穡者幾何年至晚歲家

業漸起好行其德而量有未周然翁之聆諄屬
於庭訓者蓋已匪伊朝夕矣自是席豐履厚克勤
克儉又得內助楊孺人之賢不勞經紀而增益
者視前不啻倍蓰此天特予以爲善之資而非第
以富貴福澤厚其生已也邑舊有金蓮書院曩嘗
硯食其中每遇烈風雷雨惴也焉如立巖牆之下
謂安得有誦杜老廣廈之句大庇邑之寒士使俱
歡顏者乎時宰茲土者楚南謝蘭軒良吏也甫下
車卽以敬教勸學爲務憫金蓮之日久就頽也亟

欲議捐余曰側聞 宗兄慎庵有志於此宰樂妻

屬介邀

翁至署愆懇以堅之意遂果既而鳩工

庀材拓基重構費金二千兩有奇昔五代竇禹鈞
建義塾數十楹聚書萬卷延名師以教厥後五子
相繼登科今 翁克步竇氏後塵適有五喆嗣發

軻贊序中諸孫亦頭角嶄然殊迴凡噐嘉慶庚辰
及道光壬辰先後大祲道殣相望 邑尊命同人

齋簿捐書三鄉設廠數十所煮糜以賑 翁目擊
之惻然曰設廠煮賑使餓者蒙袂輯屨噉匕就食

於十餘里外所施博而所濟未必衆也因思遠祖
 叔顯公正統間歲饑出粟二千石舉救坊表猶存
 家頗饒益何忍獨飽遂傾困倒廩以率里人全活
 者無算今 翁春秋八十高矣楊孺人少 翁一
 歲十月二十有五為 翁攬揆之辰是日也嶺
 上棗新籬根菊老凍醪已熟有飶其香於是 翁
 之族姻里黨與邑人士相率而來論曰 翁仁人
 也某等無以答高義願乞一言以當手斲之介
 不敏乃即其不爽之德少詮次焉復為之頌曰矍

廉

鑠哉 翁雅量寬中大善小善於世可風齒頰
縷莫罄形容行之永久樂與人同然則天之所以
酬之其將如陽郡侯之位元功乎抑將如漢尚書
之慶生松乎而豈惟眉黎耄鮐於其躬乎言既訖
遂授之以爲壽

皆

龍飛咸豐三年歲次癸丑小春月穀旦

嘉慶癸酉科

選拔宗愚弟汝廉拜撰

戚友 趙維英 虞 檯 朱 湛 徐 榮

樓成周 呂榮祺 朱 潮 黃 銘

王維松 樊崧高 吳廷綸 朱 旌

馬西來 黃培庚 陳仲方 胡 詩

朱朝英 盧際鎔 趙琳 柯怡顏


朱 鑄 宋作賓 陶必良 李玉華

尚得璜 章 燦 張望暹 麻書詔

施汝周 楊 芬 弟興如 姪汝嘉

姪松年 孫姪 治三 遇文

奉祝



慎庵先生七十壽聯

捨米作雙弓數里粥香膺厚報

封公占十八一庭松茂祝長春

三又八十壽聯

庇我精廬二十年以上

介翁眉壽八千歲為春

雲樵弟趙維英頓首拜

○慎庵姨丈德配楊孺人生傳

易曰地勢坤君子以厚德載物坤地道也亦母道

也德厚載物也亦載福也顏於姨母楊孺人嘗敬

佩勿諉焉孺人與

顏

母同為東山楊邑庠生楊振

廷公女自幼秉性溫柔及長歸笄川貢生慎菴公

善事舅姑勤於家政慎菴公家業日益饒裕孺人

與有助焉舉丈夫子五咸能濟美今年已八十有

三孫男十餘人曾孫濟也尤未艾焉慎菴公長孺

人一歲亦康健異常與之偕老夫富貴為人生之

大欲壽考乃舉世所難言而孺人竟能備是是亦

可謂修德而獲福者矣而顏更有進焉初先母生

顏於東山外大父家甫週歲母又生妹時方以撫

字爲艱孺人年逾十齡卽慨然以顧復自任一切

出入起居愛護之至鞠育之勤卽顏母字兄弟輩

初不是過迨孺人將賦于歸而顏回父家時顏年

已十歲矣厥後顏有成立謁孺人於笈川方念昊

天罔極問視莫伸孺人且戲謂顏曰汝少予督責

過嚴汝恨予乎顏俯首聽之心怦怦有動恍若聆

諄誨於依々膝下時啼笑交集愈覺低回留之不

能去也孟子曰親匕而仁民仁民而愛物孺人之

視顏如子也非厚於親者乎厚於親者必不薄於

人故晚年家計富厚慎庵公重建金蓮書院孺人

為之贊成嘉慶庚辰及道光壬辰慎庵公賑救里

之貧窶孺人為之勸施此豈凡為樹德者所可同

日語哉嗚呼婦女鮮有識量即衣服之細飲食之

微其視兄弟之子娣姒之子固有漠不關心者況

推鬻之子恩以及其甥乎恒情惟計身家凡堂構

之麗奉養之隆亦止厚乎已與其子孫而已而族

之人不得蔽其風雨給其饔飧者不知凡幾况創

爲大廈以庇闔邑之人士傾其高廩以救里人之
饑寒乎孺人待顏之厚德顏固不能報其萬一孺
人及人之厚德亦非顏之口舌所能道其萬一特
其德厚若此其福之所載當不止是故傳之以誌
不敢忘至慎庵公之盛德世固有傳之者初無俟
顏之贅述云

崑

龍飛咸豐七年歲在丁巳荷月

甥郡庠生柯怡顏頓首拜

諸親友...

...

...


不...

其...

人...

...

...



例貢生

名

世球

號

心齋

行遠四百十

一公壽序

恭祝

心齋先生大人六旬榮慶

歲己酉花朝後四日爲

心齋先生六旬覽揆之辰

黼庭學兄思斟康爵用

介耆齡而屬予爲文以侑之予維東浙多名勝之

區括蒼尤秀靈之窟峰連台嶽王方平寄跡之鄉

水接甌江陶宏景卜居之域仙都山畔代有異人

吏隱岡邊世多奇士玉樓瓊闕閔遺丹鼎之華芝

草醴泉不數元霜之藥居斯土也有不壽等松喬
年齊園綺者歟然而土厚產腴氣固資乎坤軸機
翔嘏集理尤應於乾符匪藉地靈實由人傑蓋夫
萬年之頌首舉令儀五福之徵必歸好德

翁幼多至性長篤良懷曾叅養志受杖芸瓜仲路承
歡長途負米一經足守效韋相之傳家七業俱興
媿劉殷之教子庭闈敦其穆行鄉里號爲善人素
業是耽塵氛不染朋儕過從罕聞徵逐之風戚郤
周旋務絕紛華之習謹錢刀之出納筦鑰緘裁緬

弓冶之畱遺箕裘纘統可謂守身如玉度已以繩
者矣今夫尺短者寸長苦節之貞能積未必能散
也德豐者才嗇通材之目有守尤貴有爲也

翁灑潤枌榆分甘桑梓疏廣散金每周窮乏徐陵得
俸或給親知行七州閭誦德童稚懷恩縉邑當僻
處之交多士鮮掄文之院羣倡義舉共建考棚

翁乃分任鳩工未遑燕息竹頭木屑殫日經營崇尺
脩尋隨時規畫非其勇於爲善厚於濟人者歟以
茲陰德之耳鳴遂致繁釐之踵起竇家丹桂疊見

五枝馬氏白眉更先諸俊或聲振環橋之秀或名

高瑩水之英或鴻舉鵠立致青雲或麟子鳳雛

羣稱玉雪而德配王孺人亦復莊姝儷德黽勉

同心少君提甕力挽鹿車德曜負春共襄鴻案一


門燕喜羣彥蟬聯美意延年修德獲福夫奚必遠

希黃老相與守乎庚申乃可仰媿絳人得擬筭其

甲子也哉茲者獻羔令序撲蝶佳辰蓬萊仙杏早

開五色之花瑤水蟠桃亦綻千年之萼恭逢晉年

共慶懸弧華堂祝嘏定廣集夫鳳舞鸞笙綺席敷



詞竊自附於鶯簧蝶板焉爾是爲序

皆

道光二十九年歲在屠維作噩律中無射月穀旦
賜進士出身翰林院編修現選江南道御史道光己

亥科舉人 蘭谿縣根石唐壬森頓首拜撰并書

拔貢生 王星文 端木 百祿 周士芳 朱其鈺

周錫璜 吳世琛 祝鳳儀 田慶餘

嚴用光 鄭淮

舉人 程觀海 侯選分府 王萬清 王邦彥 勉贈分府 朱昭

廩貢生

朱堦 樓大觀

廩生

朱有輝 朱澤厚

附貢生

趙國基 王朝綱

王者輔 王朝綸

太學生

傅乾滋 王武功

朱貞 王維清

王維英 王國豐

樓樹文 胡旭華

邑庠生


朱煥然 王定邦

樓上清 朱桐

增廣生

胡文華

全頓首拜賀




○葆真公行狀

卷一百三十七

宗翁諱廣業字載遠號葆真行三邑東距城五里
村落名山其舊居也父鳳如公母李氏家貧五歲
失恃祖母鄭撫育之至八歲祖母亦亡步兩兄賣
薪度日年十七復失怙翁性勤小物有巧思食梓
人業稍以椿積至三十四歲出贅潛莊李宅時李
氏年未字以服勞得堂上歡翁在舅家先後十寒
暑翻然曰依人不如自立作工不若務農況有一
椽之支一瓦之覆可當在野廬乎於是偕李氏回

不數載而家業隆起兩兄相繼逝殮埋費皆出私
橐里有婚娶事或乞假款門卽應不問疎逃無論
姻族片面水爲好溪上游舊有永濟橋雨水新漲
則持舟歲久當修翁率先捐復行旅便之生平不
侮人遇尊長則敬於祖宗有加焉初方廣二公祭
器猶假祀禮或幾乎廢厥後經紀之購上田若干
畝粢盛牲用出其中惟翁之力居多女四子三長
作壬曩隸館下弱冠舉茂才次奎銘翁命爲其二
兄後亦年富劬書蔚矣其文三維釗幼業儒逮上



丁翁仍督就傅則曰兄弟三人均讀書有田不種
非計也兒願以耕稼爲業翁以爲然遂聽之孫三
翁生於乾隆丁酉卒於道光丙午享年古稀李少
翁兩紀今猶健存梳櫛家政蓋井邑有條云

皆

龍飛咸豐七年歲在丁巳荷月

嘉慶癸酉科選拔宗愚弟汝廉拜撰

○棟真先生暨 德配李孺人象贊

肅乎其貌藹如其容藝進乎道士兼爲農幼失怙

恃大母幘幪書嚴畫荻教凜折筮以引以翼成允

成功初筮偃蹇漸兆素封義方垂訓芥拾類宮萊

衣繞膝桑梓敬恭稀齡甫居高朗令終儒林景慕

先生之風閨苑名葩盤根仙李曰嬪義陽合歡


連理井臼親操聿工鍼指不逮姑嫜莫潔滌滄春

露秋霜特豐孝祀黽勉同心挑燈課子芹沼霏香

棣跗濟美飴弄孫曾廓充田里如噉蔗竿老而愈

旨藻繪斯圖千秋仰止

候選儒學訓導雲樵趙維英拜撰



○行道六百五十二公行狀

宗翁名西岳字華山世居笕川家貧樂善幼力學

比長而兼耕德配施孺人子三女二有田十餘畝

歲豐僅足衣食性好施善事種種奉行閭里之天

殤者瘞埋淺土尸骸暴露爲購隙地捐建保童一

塔高丈餘深半之廣又半之躬親督率先後百餘

日不倦里有失火者翁周救之錢自百而千或數

千米自升而斗或四五斗其多寡之數以分之疎

戚爲差至於修葺社廟裝演佛像敬惜字紙合造

磚庫悉以身先時或缺需售膏腴以濟之不少惜
它若寒則火籠暑則溱扇又其小惠之波及窮簷
者凡此散給餘貲皆翁之力農事與其孺人之勤
女工銖積寸累而得之者也若夫施棺以恤死舉
救以活人禁賭以正風俗排難以解紛爭譜牒備
詳之矣茲不復贅翁嘗就余談述先正格言曰生
人多財或羅兵戈疾疫水火盜賊之厄積而能散
庶可免此自謂與其老婦生平未嘗服藥子若孫
均能自食其力予所孳也者特小善耳天之佑之

已如是況大善乎予非敢望報也天人之相感召者然也旨哉是言不可謂知道者乎翁博覽諸善書於孝經尤加意每日早起焚香禮神讀書若干遍卽出門行路亦默誦不輟今年七十有八矣精神猶少壯時範曰身其康強子孫逢吉吾無以爲翁頌也卽持是語以爲翁贈

旨

龍飛咸豐七年歲在丁巳瓜月穀旦

嘉慶癸亥科選拔宗愚弟汝廉拜撰

家風夙著傳賢對宗恩承地靈

清氣以養子字輩在丁日瓜月蝶且

贊

餘慶出昭赫長壽以爲壽觀


輔德少堪却諱曰長其淑節千茲後吉吾無以爲

既明出門行細亦想歸不願令平以十育八矣默

書以奉聯承以吹意我日早賦焚香勤報廟書於千

善然出言始是言不河爾吹豈善乎餘謝

日吹是別大善乎平非嫌望辭也天人必賦



行道四百七十六公行傳

太翁諱之義榮忠則其字也椒生也晚不獲躬侍

翁之衣冠杖履用自惜矣然而鄉里之所稱述父
老之所傳說而翁之生平立心制行亦嘗聞其畧
矣翁幼時家非素封及長知稼穡之艱難遂勤儉
操持不自暇逸家漸小康至晚置田園興棟宇稱
富有焉翁之克自成家也有然尤可異者翁初未
暇詩書專心農務其於名教之樂天倫之趣似未
能解乃其事父母也以孝謹聞其待兄弟也以友

恭著其處鄉黨也以誠信稱而且遇貧乏則爲之
相周相恤見爭競則爲之排難解紛咸各饜其欲
服其心以去夫士君子讀書明理其於名教天倫
之地往必有爲人所不欲道者至鄰里族類之間
其不滿人意者恒多矣而我翁以農事起家祇知
耕田鑿井之樂耳而乃以名教天倫之各得隣里
族類之咸宜較之讀書明理之士而尤有勝焉非
我翁天性之善奚能若此哉翁壽七十有九何天
之報施善人終難得其快足惟育季弟次子爲古


子名炳有卽椒岳父孫男四周勲周邦周坤周欽
俱頭角崢嶸孫女一卽椒之內子椒與翁雖謬附
瓜葛而未獲親覩翁之生平猶幸爲鄉里所稱述
父老所傳說而翁之行誼尙贖七人口矣今當譜
帙將成椒故不揣陋鄙特撰俚語用誌其概云

峇

龍飛咸豐七年歲在丁巳荷月之吉

孫婿邑庠生胡獻椒拜撰

清文豐以平政李丁已清人之始
高敏自乳生結繼跡



官

趙孫双琳姑不結四瑞梓籍野請民請其琳天

火家視新瑞而係之存儲命艱以人口美合宜

瓜葛而未盡殊請參之坐平謝幸以讓星似

見假或稱謝野女一德琳之皮子

子各族存德琳野女無異日

丁蒼山公行狀

韓昌黎原道謂足乎已無待乎外之謂德夫人苟能足乎已則不至逐勢利競聲華而獨行其是人果無待乎外則必能理性情課學問而自率其真故修德之君子其處世也澹乎其無欲也其持躬也確乎其有守也以視夫忘已徇人疲神勞形營此焉未有已者侷乎遠矣然所謂足乎已無待於外者洛嘗於丁先生行遠七百四十蒼山公見之公家世清芬自束髮授書時師友咸以大器目之

比應童子試府縣累居前年符列宿始見知於
大文衡史公補郡學弟子員然生平爲文酷嗜高
古所則儆者惟天崇國初諸大家而薄時樣以故
知音罕覩而屢窘於場屋人或惜之公澹如也嗣
出授生徒傳衣鉢而飛騰者類不乏人歲入脯修
以助孝養啜菽飲水必盡其歡咸豐間值毛匪滋
擾家資零落二親相繼去世公經營葬祭衣衾棺
槨悉如禮雅愛小飲人以善釀推晚年於縣治前
列一肆時有司馬當鑪之譽每有親朋過訪卽呼

與共酌或銜杯話舊或把盞設文幾不知有人世
事席終客散而公亦微醉則又憑軒危坐把卷長
吟雖在闐闐囂塵之中常有瀟灑出塵之概曾自
題柱聯云此地是箕山潁水何時非舜日堯天古
所謂大隱在朝市者當於公驗之况居恒不苟言
笑人亦未嘗以私干至於剖晰義理談論詩文沛
若懸河瀉水滔匕不竭花甲旣週精神彌健光緒
丙子以第一等人送入廩堂又三年充成均循例
以明經貢於

朝公亦不以昔之被屈爲辱并不以今之獲售爲榮
斗酒殘編優游自得一冠十數年不易一經千餘
誦不厭此其性情學問又安有勢利足以動其中
聲華足以介其懷哉真所謂足乎已而無待於外
者矣孺人陳氏內助之賢著於鄉里桓少君之鹿
車共挽孟德耀之鴻案相莊無以過也公壽六十
九孺人壽七十有九子三人長思齊操家勤儉綽
有父風次渭巖君趨對鯉庭光緒癸未入黌宮近
已絳帳高懸負笈從遊者歲數十人異日鵬程萬

里未可量也次允齊以力田爲務矩獲一稟先人

下而孫男孫女瓜綿椒衍發祥之兆亦足窺見一

斑茲當華乘重修洛與渭巖君有同術之契故不

揣固陋聊述大概用誌勿諉至若語至德之淵涵

詎足當其萬一也歟公諱松年字挺秀蒼山其號

云

皆

龍飛大清光緒十有五年歲次己丑七月既望

主講金蓮書院邑廩生晚生周鞏洛頓首拜撰

主階金殿清深... 皇極

前張大前次... 皇極

皆

天

明以當其萬一... 皇極

蘇固剛... 皇極

... 皇極

... 皇極

... 皇極



丁岳父字望餘行狀

今夫真實取諸中孚剛正取諸无妄若

椒

之岳父

其得之矣岳父諱炳有字望餘閔考岳父生平事親孝兮孺慕之真性畢露撫幼慈兮寬厚之真情胥昭嚴取與莫非狷介之真節黜奢侈悉爲儉約之真心具濟危之真懷而有危必恤秉樂善之真意而有善必揚其率真有如此者若夫發言則不流躁妄與事則不涉粗疏衣冠古處容貌端莊交遊必嚴所與步履常戒輕浮肫肫然不欺人亦不

欺亡其誠實有如此者至一身之操持有鎮定之
神有果斷之性物不得而撓之人不得而屈之可
一日即可百年殆迴殊依回遷流之士焉其剛方
有如此者而且爲里黨息爭惟秉公以斷守正以
行是是非也。不少曲徇所以親朋咸服其無偏來
往共稱其無黨其正直又如此者尤可嘉者岳母
李氏閩範夙嫻早著令聞柔謙自處實出性成親
操作而寒暑不辭任勤勞而晨昏靡倦上奉椿萱
膳必甘旨進必承歡定省必躬親且也廣逮下之

仁而恤其甘苦省自奉之資而周其戚屬種_也懿
行有難殫述者岳父著嘉德於外岳母修闕儀於
內不洵足爲閭里之光哉舅兄等英才蔚_也堂構
維新內姪輩秀發森_也箕裘克紹將來光大門閭
正未有艾_椒也叨光門下詣忝東牀愧不能文聊
抒鄙句以附簡末云爾

皆

光緒十五年歲次己丑 月

子壻邑增廣生胡獻椒頓首拜撰

米滋十五...

皆

林滿...


五未育艾明出門次門不請...


絲滌內致...

內不...

許...

...





智巖行略

蓋有非常之事必待非常之人而爲非常之人乃成非常之事自來實大聲宏往以難之然大行發

大名細行發細名人有片長足錄亦非純盜虛聲

者矣吾族行遠維清宇源遠號智巖巖道二百七十

三公之次子也生平嘗坐芸窗未游泮沼惜貧窶

興嗟煩劇致慨雖稟姿卓犖終不能遂其志焉但


宅衷慷慨制行剛方與人正直卽嫌怨亦有所不

避如本房首事隱匿常產已閱二十餘載嗣後查

知造祠實稟遂叨公賞而增祠規此亦可見其公
 而直矣德配趙氏生有四子長秉榮次秉槐三四
 秉岳秉熾繼配李氏生一子曰庚寅甫五周而失
 怙幸秉槐克承先志鞠育恩深其餘亦皆敦厚可
 嘉孫男三尙幼將來可卜熾昌若智巖者吾知天
 之報施必不爽也今當續梓特紀其概以垂後云
 咸豐七年歲在丁巳

族弟 庠生守丹 增生松年


姪 庠生之鴻 庠生遇文 仝拜撰



行遠四百五十五秀遠公行傳

公諱世拱字秀遠南峯其號也世居建川兄弟七
公居六幼穎異過人好學不倦作文務高古詩摹
仿唐人童試輟有聲時輩咸噐許之惜椿萱早謝
累於家政屢試不獲售作事與人無忤不妄取人
財不輕談人過其自立也超拔不俗其自待也儉
約可風殆所謂端厚古樸者歟德配馬孺人淑慎
溫恭孝舅姑和妯娌洵巾幗中之懿範也庭桂三
長茂松性剛方指人曲直不避嫌次茂萱聰敏有

巧思能以一藝成名與士人談論饒有風趣三茂
 芳納粟成均循例入太學家富於財慷慨異時流
 奉親愛養有加睦族解推不吝晚操懋遷業心平
 氣和洵能以義為利者蘭孫三日有歸曰壽祺曰
 陳純森也玉立迥異凡庸壽祺尤讀書穎悟每試
 必列前茅異日吐氣揚眉乘風破浪當大門閭光
 里閉其在斯乎晚等雖未親接翁之儀容迄今父
 老傳聞嘖也稱道不衰茲當盛族重輯華乘因不
 揣燕陋略陳其梗概以垂不朽云



皆

光緒十五年歲屠維赤奮若無射月上浣穀旦

邑庠生朱德馨

邑庠生朱德昭

邑庠生朱瑞蘭

邑庠生朱捧璋


雲騎尉樓福鑾

郡庠生朱補之

邑廩生樓觀江

邑庠生樓閣江

全頓首拜撰



邑庠生朱壽華

邑庠生朱壽華

邑庠生朱壽華

邑庠生朱壽華

邑庠生朱壽華

光緒十四年歲次庚申...

...

行遠七百三十六鴻蘭公傳

昔歐陽修曰爲善必獲報而遲速有時惟時有遲
速世遂以報爲或爽矣豈知天道無親常福善人
若國學生行遠七百三十六公諱鴻蘭者非鄉黨
稱爲善人哉生平不苟言笑不妄取與立身制行
一本乎恭治家嚴肅長幼無情容接賓客終日談
不倦無猥瑣齷齪氣尤喜延師禮貌勿替予亦館
其家數年故得悉也配吳氏賢淑能相夫成家里
中稱佳耦焉生三子長義和性樸實有父風次海

昌幼伯連俱納粟成名蘊藉瀟洒諸孫亦丰神韶
秀頭角崢嶸每予至俱來問訊一堂和集怡乚無
間嗚呼何其善也且吾嘗見富貴者矣當其席豐
履厚視財帛如泥沙乃曾不一瞬而歌臺舞榭變
爲碎瓦頽垣玉樹瓊蕤變爲荒榛斷梗金缸華燭
變爲螢火鬼燐甚且身沒并子孫亦不能有是豈
經營之未善哉亦所爲不善故一敗至此耳今翁
燕翼貽謀克昌厥後卽所遺產業較昔有增易曰
積善之家必有余慶儻所謂餘慶者非耶何天之

行遠七百五十公傳

闕考聖門德行爲四科之首仲弓列十哲之班夫子嘗亟稱之以其厚重簡默詢不多得也若笈川國學生諱松如字茂之乃唐之岳丈也雖難妄擬前賢而迹其生平謹厚端莊居家孝友處世忠誠惡輕浮而務沉重尙簡樸以黜浮華周旋里黨間兩匕不出實不欲以賢智先人髮配岳母劉氏性頗嚴厲有丈夫風育三男四女男習經史女嫻母儀長國壽卽唐次子成烈岳丈文章書法均得雋

逸惜運蹇不售援例入監然一生謹言慎行無怨
無惡尤見克紹箕裘次國典雖被匪擄其妻林氏
守冰霜之志立德澤爲嗣節孝堪褒孫男元孫輩
氣象軒昂胸懷靈敏後日發祥正未可量何莫非
我岳父母積德所致乎茲當華乘重梓緣不揣謏
陋敬書其實如此如謂頌美揚休有俟後之能文
者非唐所敢議及也

大清光緒十五年歲次屠維赤奮若桂月中澣穀旦

子婿邑庠生陶紹唐頓首拜撰

報之獨厚也是年予蒙郡守聘爲西席便道過訪
知貴族重修華乘予以翁蘭玉森然爲作善之報
也遂不揣固陋爲述其梗概付諸手民爲後來勸

皆


大清光緒十五年歲在己丑暑月下浣吉日

郡增生詩壇陳士風沐手拜撰

大德次歲十在平歲在古...
 事...
 風水...
 手...

昔

古...
 事...
 風...
 手...



文二百九十琢璋公行傳

琢璋老伯

名肇齊

譜名

廷珩與家嚴爲同時友家

嚴嘗道其爲人慷慨好善有長者風

躬

心焉誌之

茲秋晤老伯於貴祠時柳堂老伯善堂世兄皆在

焉蓋以貴族重訂家乘諸君相與董修華胄翩翩


偉如也又見祠宇崇整高挹迎薰門之勝近水遠

山俱極有情想地靈無非人傑知必有鼎力創建

者出乎其前諸君乃相與語曰同治壬戌克復後

瘡痍甫起財窮力殫是以遲之特久直至光緒戊

寅合族商議捐造而琢璋極力協贊閱二載祠宇
告竣楹桷重新廊廡畢備來格來饗先祖是皇非
孝孫之慶而誰乎躬備聞諸君之言乃知人傑地
靈其說信不誣也然是舉為貴族之盛舉族長之
力實即合族之力琢璋老伯曷嘗自以為功哉夫
有謀為者必有度量能事業者必能性情老伯壽
登八旬而精力猶健此非度量之寬厚性情之和
藹能至是耶且光前裕後不可以常情測亦不可
以常理喻老伯絃空玉折鸞絲雖續而夢蘭之吉



猶待小星今則合郎十有二齡矣由前而論幾疑

善人之獲報如此其遲由後而觀乃知善人之獲

報未嘗或爽燈下課兒度老伯於斯時必有善行

愈篤而善念彌堅者將來光大門閭不可以拭目

俟之哉或謂老伯少年以詩書之彥何患不售顧

乃一再不遇遂決意於成均旁觀每爲之惋惜不

知內有家務外有世務老伯以急公仗義之心幹

排難解紛之事亦必不能沾沾於窗下矣此不足

爲老伯惜而並足爲老伯嘉也

躬


奉家嚴之訓曷

敢溢詞心焉誌之而遂以筆焉述之毋亦是善也
從長也夫

皆

光緒十五年歲次己丑秋季之吉

候選教諭乙酉拔貢世愚姪樊保躬拜撰



碧山公行傳

行文三百十六

虞

之外祖碧山公者以援例入太

學與

虞

居同里謝世時

虞

猶呱也。在抱及長優游

里巷往也。有二三父老猶樂道外祖勿衰者

虞異

之歸而詢諸母知其立心行事曾有迥出流俗表


也者少失怙有至性事母先意承志里中有豪猾


欲傲之母憂甚外祖百端譬解終能得母歡心治

家一秉儉勤承世業之小康廣良田於阡陌且能

疎財仗義揮霍不吝好急人之難戚鄰中遇婚葬

有不足者濟之儼有指困贈粟挽舟助麥之風咸
豐戊午辛酉間粵寇雲擾遠近穀價騰湧外祖傾
倉倒廩不計多金平價以濟貧民里中多所全活
其接人也寡言笑嚴舉止慎交游非其心跡相合
者不樂與之交以故知己落匕人或短之者彼
亦勿校也外祖妣胡氏賦性幽靜馭下有方紀綱
家政肅如也兒媳輩咸憚之村中婦有踵門借貸
者慷慨予之亦不以富厚自驕里老皆以賢內助
稱之外祖享年五十有二外祖妣享年五十有五





時在壬戌同年仙逝母舅四長培寬名登國學次

培蘭習武技擅穿揚力可洞札惜以一芹未撥齋

志而歿三培楓下帷苦讀學將有成適遭匪亂棄

儒歸農四培榛亦納粟成均孫男孫女濟匕滿堂

若坤興圭齡輩俱書圃流香餘各務農成家後日

發祥正未有艾易曰積善之家必有余慶書云作

善降之百祥正謂此也茲當盛族重修華乘

虞也


忝附絲蘿雖乏大手筆以闡揚外祖於萬一亦何

妨遽書數語以垂示於來茲

啟

光緒十五年歲次己丑菊月上浣穀旦


邑廩生甥陳纘虞薰沐盥手敬書



Faint bleed-through text from the reverse side of the page, including characters like '啟', '光緒十五年', and '邑廩生'.


友兄廩貢生柳堂翁行傳

文六百四十四



柳堂翁者余遊泮之同年也翁名步鴻字富車別號柳堂居名山姓丁丁族盛散處多地方鼻祖祠則在城邑治前邑之丁姓有別派翁之族故稱縣前丁以別之族多士君子翁亦長者翁之先大人余不獲識其先德不敢以無稽諛詞贅惟令先兄甫潛仙先生早歲蜚聲黌序有才識人多所推重余尚識荆翁初應童子試猶受業於兄後從金蓮書院雲樵趙山長學己未歲秋縣府試同余俱列

前茅冬復同人泮自時厥後翁雖先余食餼宮牆
登明經而發軔同年遂莫逆焉是翁之功名所就
文藝已足見知至若持己則敬而和接人則恭而
禮居家則勤而儉教子則正而嚴邑有捐輸廉復
力也村有修造依卽先之心閔靜能習青囊經尤
善卜余屢有所疑造問卽決無不驗余嘗異之翁
轉謂余誠心所致不自以爲能也其謙光大都類
是性更聰明讀書穎悟乃其大者有器玩造作多
不需工且精巧可愛翁亦可謂文學中人多能之



君子矣然綜核往時處事之大節月旦所評則以

爲忠厚有餘而機警不足不與當世逞奸者相去

遠甚哉淑配沈孺人寬柔慈惠四德克嫻與翁相

敬如賓有冀野風舉案齊眉有德耀雅如易所謂

无攸遂在中饋貞吉者非耶余每當秋杪過訪新

栗飯舊醅酒出以佐翁待客不吝惜也男三泮波

泮芹泮濱皆守家法能執弟子禮女一適甥朱松

燦孫男二毓瓌毓琨頭角嶄然猶未有艾翁今適


週甲矣尙矍鑠精神孺人亦復康健殆由其忠厚

留之餘地故天相吉人俾爾壽而臧熾而昌乎余
不文立言何能不朽若翁者正可垂之後當不朽
耳今盛族重修宗譜翁理其事余知翁最悉爰實
錄之以為翁傳稿俾質諸族登諸行叙以俟後之
大雅潤色而揚芬焉

皆

光緒十五年歲官屠維赤奮若橘陽月 穀旦

年弟邑廩膳生鄭選青拜撰



行明七太學生諱日光號柳川公傳

昔申包胥云人定可勝天天定亦能勝人世之論

天者皆不待其定而求之遂以天爲茫也無定不

知天之降福視善爲衒修德獲報古今不爽我蓋

不忘耆老之遺訓焉晚從同里曉翁朱老先生遊


先生語予曰本里太學生丁翁行明七諱日光號

柳川乃郡庠生宗望公之長嗣也其爲人也幼讀

詩書穎悟卓越惜艱雲路例入成均親朋交接勿

尙浮文里隣往來務施真實勿諂媚夫富貴勿欺

懾夫貧窮時值閑暇或把釣垂竿或飛觴醉月其
 胸襟坦蕩俗態消融殆無懷氏之民歟葛天氏之
 民歟人盡如斯奚必居高位享厚祿以倨傲乎人
 間晚默領其言證以今之振匕繩匕門閭高大如
 丁翁次嗣名肇修號震山者時遭匪擾勿暇精究
 夫經訓名早登夫太學里黨紛爭心急排解廟宇
 修建志切勸捐其心氣和平志量闊大勿遏佚前
 人光者實乃父之流芳未艾奈主器延善厄類顏
 天而廷珍又於辛酉壬戌被匪殉難義憤昭匕三



損其二良以盛衰之數有不齊耶抑以戎馬蹂躪
 玉石俱焚難泯禾黍之慨耶雖然生斯世也當斯
 會也室家為墟不知凡幾惟丁翁後裔瓜瓞綿延
 頭角崢嶸他日登大魁致顯位簪纓秩比無不可
 拭目俟也茲值盛族華乘重修晚不揣謏陋姑述
 所聞以誌不朽亦以證人定勝天云爾

峇

光緒十五年歲屠維赤奮若無射月上浣穀旦

邑庠生朱德昭

邑庠生朱捧璋


郡庠生朱補之

世職樓福鑾

邑廩生樓觀江

邑庠生樓閱江

仝頓首拜撰



聖溫翁行傳

且夫洪範之論五福也全之者難焉如余老太公
諱舜朝字聖溫者可爲頌其全矣嘗綜其生平正
直成性仁愛居心孝養父母慈育子孫矜孤恤寡
睦族敦宗飲食有節需費有經其持己也不尚紛
華其待人也無事矜驕而且捷徑不由公門不入
循匕守法兢匕保身宜乎年登杖國舉案齊眉真
城市中所不多得之人也已淑醜陳氏老安人克
勤克儉能內助而有道勿逆勿怠善相夫以成家

母儀洵足式也壺範其無愆焉產男有四長伯公
矢志芸窗既獲黌宮之選老當益壯復入廩貢之
班次伯公三岳丈頌經習禮詩文頗有可造於同
治兵燹之秋惜天不假其年四叔公寬洪處世慷
慨存心於丙寅歲試亦入泮水之香而孫男有九
人皆肥美質亦異常最可喜者惟長伯公男名企
鴻舅朝稽夕考不厭披吟勵志潛修遂獲采芹其
餘創業亦多可望且元孫時已有八頭角嶒嶸丰
姿秀麗異日克紹箕裘光大門閭非太公之積德

於前烏能有此子孫之蟄也哉茲因華乘重修爰
不揣鄙陋聊筭數語以誌不朽於是乎贊曰

繫高山之挺秀兮佳水流長惟耆英之種德兮

裕後發祥壽考維祺兮履綏廸康瓜瓞延綿兮


桂馥蘭芳

皆

光緒十五年歲次己丑孟秋月日立穀旦

孫壻邑庠生金成章拜撰

蘇州府志卷之...



光緒十五年...

皆

蘇州府志

蘇州府志...

蘇州府志...

蘇州府志...

蘇州府志...

貢生 諱日昌 號樸誠公 達三百七十九 像贊

承家歲少讀和耕繼志襄旌孝意誠為粥拯饑推
厚德傾囊贊美著芳名一椿長藹堂萱植雙桂聯
蜚泮藻聲仁壽圖開瞻仰切載歌祀事萬年明

外曾孫歲貢生張望暹拜撰


伏會深源實主聖聖嚴我姓

書中藏寶以壽圖開壽以壽圖開壽以壽圖開壽以壽圖開

聖德神靈壽考美善其公一林長其世世壽考神靈聖德

承宗遺少廣以族歸志真誠事實漸成誠敬神靈

黃生壽日昌世壽考公



周欽翁全陳孺人行傳

文百六十八翁名望軒字克讓號周欽派分後宅
徙居在城吾族之端人也書曰惟民生厚因物有
遷蓋性易漓習易染其克葆天真者往往難之嘗
觀世之人強脅弱衆暴寡智詐愚非不恣睢當代
乃曾不一瞬而殞滅傾頽矣歷攷周欽生平心安
貧賤力戒衰邪始而務農繼而坐賈身不列儒林
名不登鬻序而一切機變詐僞之事絕而不爲夫
非卓越人羣哉德配陳孺人艱苦備嘗劬勞罔惜

擬梁案之齊眉詎肯工於權算幸萊衣之繞膝自
能訓以義方故雖顯揚未堪媲美抑亦垂裕足以
相推目下椿萱並茂蘭桂兼榮富不等千鍾壽已
臻五福範云身其康強子孫逢吉此之謂也長男
汝喜靈慧多能籌畫多方是以慘逢兵燹尙能叨
入成均此名慶餘之有取於積善云也乎次朝喜
三添喜各勤職業不習惰遊亦可稱克家焉孫二
姿性靈敏狀貌岐嶷揆厥將來當必大振家聲由
斯言之夫非厚德之所以獲報歟前戊戌重梓事

親竭力仰湯侯之表章介壽贈言欣唐命之稱祝
他若善齋慎庵序樂為訂華山載遠狀亦相傳以
及戚族推許雖小不遺洵君子與人為善之一法
也譜帙將成曷不紀其梗概以示後嗣宜歸端厚
耶是為叙

壽

同治六年歲在丁卯菊月上浣穀旦

族叔 郡增生 松年

邑庠生 景南 鶴壽

愚弟國學生 肇齊

郡廩生 步鴻

姪孫國學生 肇修 仝拜撰

壽祝


壽 介長齊眉

壽詩

鴻案相莊春酒借椒盤人頌

鸞章寵錫萊衣與畫錦齊輝

刑部江西司主事 趙琳 仝拜祝



職員

趙墀

趙贊襄

樊

濟

楊輝芹

杜寶田

呂維鴻

貢生

宋作賓

楊啟發

廩生

應攀雲

楊錦雲

柯振銘

樊保躬

族叔

松年

族弟

步鴻

庠生

李夢庚

樊爾康

陳以仁

樊濤

柯祖培

李

呂士儀

胡鳳鳴

柯榮溪

李

施克訓

王朝清

族叔

景南

照

族弟

嘉淦

耀祥

監生

應維濱

應維全

應維翽

應攀霞

呂照航

呂維鴻

俞士徽

陸鳳翽

族弟

樊治經

刺肇齊

樊雲英

族姪

述儀

族孫

肇修

業儒

沈騰書

程鳳岐

程獻章

胡定昌

胡載祥

杜自喬

朱斯慶

樊茂蘭


族弟

呂廷綸

百慈

壽清

仝頓首拜



附貢生渭巖公行述

行文八百廿八

今夫山水之清秀有本色焉山不必林木繁縷也
跡其狀蒼而勁覘其勢又雅而平是謂山之清秀
水不必波瀾浩瀚也窮其源遠而曲泝其流又澄
而瑩是謂水之清秀論山水者恒以此爲其本色
山水之可貴者卽在此而論人何獨不然故人不
必有瑰奇卓越之姿磊落獨絕之行而範圍當可
和藹相安則亦可貴如吾友丁翁企鴻字渭巖者
家世清芬書香累代其先考蒼山公碩學卓詣以

廩貢終其身處城市中具有山林之趣先妣陳氏
助夫教子懿德揚芬以故渭翁稟受庭訓矩步繩
趨旣而游庠舌耕爲業泊保定施伯銘司馬來宰
吾邑敦請學修行潔之士主講義塾兼之帮理嬰
堂事務遂不屬於他人而屬之渭翁旣受關聘則
能職思其居課蒙拯嬰之外別無所希黌門貢樹
遵例分香亦惟自安其素性敦孝友誼篤梓桑暇
則十畝閑閑不忘農圃宅雖近市不染纖塵其丰
裁峻峭也其志節嚴介也而坦然悠然蓋有出以

醞釀深沉者廉隅自飭復不立崖岸之形夫非得

爲人之本色而爲人之可貴者歟元配陳氏淑厚

溫柔克修閨範繼配張氏規模嚴整有大家風嗣

子秀峯媳鄭氏並稱克家現產一孫取名立恒頭

角崢嶸其爲箕裘克紹振厥家聲夫復何疑且積

善餘慶嘖也衆口月旦公評勝於文人學士之揄

揚多矣茲值貴族重修家乘爰仿善也從長之意


爲之表揚一二積之厚者流自光其庶可垂之久

遠也夫

聖

聖清宣統元年歲在己酉蕤賓之月穀旦

欽加州同知銜候選教諭乙酉拔貢樊保躬謹撰



○行文六百八公壽序

恭祝

大司鐸日高老兄臺老先生大人七旬榮慶

伏以

弈世載德德日新慎戒必恭恭則壽貞貞以復福
髦々以考祥固知頌叶臺萊慶宜戩穀皆由積累
所致非可尋常倖邀也如我宗翁日高先生西
鄙名家東樓望族弓修砥礪施有政於君陳品植
璠璣利觀光於王子而且型于式化燕喜壽妻世

德作求羊鍾令嗣意必農丈人所託生洵爲鄉祭
酒之令望矣大抵辛勤隴畝罔識尊師未化畛畦
安期恤困翁獨延師課子繼長門眉樂善好施
允符邊腹非關學佛異蓮池之放生不爲沽名陋
鄭卿之小惠因淵設禁指白水而得所皆生鞭石
成梁捨烏絲而衆擎易舉凡諸若此他可類推况
德配施孺人者四德克諸二從必謹荆釵裙布
不愧孟光羅酒縫裳居然果母斯真相我夫子而
內助稱賢閑於有家而母型足法是宜鳳毛濟

美麟角呈祥木筆山礬爭美名花四照湘蘭沅芷

先占秀草七莖

子七孫

家嗣翹材蜚英鬢序

長命壽考

辛

羣枝競爽茁秀庭階

次命嗣茂椿現應武武三命嗣茂苓各入成均

可知廣

我福田惟憑心地種茲善果自致家祥故世多祿

壽之難兼此獨身名之俱泰叙天倫之樂事為盛

世之良民雪夜烹鷄妻知慰老霜天煨芋孫喜分

甘以視宦海茫茫妙齡遠別利場遂遂皓首無成

奚翅天淵也今年三月為翁七旬壽辰方上巳

而降寅占吉戊於熟酉以萬寶告成之日為千椿

祝嘏之期銀燭輝煌嘉賓式燕紅粧照耀佳婦承

歡

四令嗣茂藻業
篤於是日婚娶

人皆稱兕而介麋余亦濡毫而染翰

華胥漏永用申獻曝之忱海屋籌添更頌無疆之

句

皆

大清光緒二十四年歲次著雍闍茂律中商呂穀旦

候選訓導宗愚弟葵生

易

拜

撰

愚晚庠生孫曾修

貢生朱

鑲

廩貢施汝霖

庠生樓杞封

恩貢柯祖蔭

庠生虞廷良

庠生施汝舟

守備朱瑞庭

貢生尙夢熊

庠生陶成

庠生陳璧

庠生朱德馨

監生陶繼芬

庠生章俊民

庠生田禮耕

庠生陶繼潛

庠生朱瑞芝

監生尙月軒

歲貢王寶廉

附貢朱瑞蘭

增生馬名金

世職樓福鑾

祀生陳錦林

廩貢陶璋

附貢樓望仙

廩生樓閱江

庠生朱煥章

庠生朱友蔡

貢生朱正修

附貢趙毓元

庠生胡希康

廩貢朱成芳

廩生趙毓光

49

丁氏宗譜 卷三十一
三
從九朱品章

族弟附貢企鴻

仝頓首拜

世侄廩貢嶽甫

陳鍾頓首

拜書

庚辰科進士現任處州府儒學正堂朱


辛卯科舉人署理處州府儒學副堂沈

贈貢生丁日高扁額

敦樸可風

光緒三十年五月

日給



○篁川行文六百二十九壽序

恭祝

大邑佐丹嶂下先生八旬榮慶

宣統元年四月十二日爲

丹嶂先生八十生辰陶生朝瓔於先生爲宅相

而又有冰玉之好者也手先生行誼以侑觥之

辭屬某某維毛詩朋酒斯享曰殺羔羊躋彼公堂
稱彼兕觥又云酌以大斗以祈黃耇黃耇台背以
引以侑皆古人壽言也體裁語句均極簡質自震

川氏廣之爲壽序後來文家宗之詞益靡求工者
乃競尙駢偶謏觴媚爵無所不至在操觚之人與
夫子孫之稱祝於其祖若父者誠不厭譽之過當
然受之者之心果歉然耶抑慊然耶某之文固不
能使先生慊然亦不欲令先生歉然
先生年八十矣夫婦健在四世一堂身歷
五朝承平之庥重熙累洽至於今

天子行將以人瑞登疆吏之牘膺異數焉斯豈尋
常山野畸逸白首松雲所可同日語者覓川在



山麓繙之巨鎮也其地峰巒迴合澗池阻深叢林

干霄時有聖者於焉證果居民數百家鷄犬閑閑

武陵桃源無以過之丁氏世居於茲山水靈壽之

所鍾毓者至深且厚徵於先生之誓葦康強于

孫逢吉殆非偶然顧吾聞之善言天者必有驗於

人又曰大德者必得其壽據陶生來狀爰知先

生得以致此之由一稟於養生一本於積累或皆

先生之心之所憫然者耶世俗終日勞勞於塵

網中以求其所謂富貴利達者卒不可必得何若

先生之任天真。遐煩囂。怡情於林壑。坳野之間。
詩歌獻咏。自適其天。哉河溘落日時。一垂釣興之。
所至濡染翰墨。作小文短畫。以寄娛樂。鶴髮壯容。
翛然意遠。琴書碁局。得少佳趣。其襟抱有如此者。
至若鸞牌之齊眉。二方五常之繞膝。頽白垂髻。扶
床撰杖。振振。碎碎。爲椒花柏葉之頌。相與視。嘏稱
觴上長者壽。斯又先生之純樸長厚。詒澤深遠。
有以啟其後。而大其家也。俾爾昌熾。俾爾昌大。微
先生仁漿義粟。智燭信符。焉能堂構相承。子孫

曾元有如是之盛大耶况夏首清和笕川髦秀崙
鞞鞠脆于其堂者皆先生門下士郭有道人倫
經表德如先生尤無慝焉先生其亦領某言
而晉一觴乎謹綴卮言以侑嘉樂辭曰喬松匪高
令德稱之海鶴匪壽大福應之清和適屆時王新
命粟帛承恩禮隆祝鯁華堂濟濟子孫繩繩介爾
景莩酌彼兕觥日期曰頤百歲之徵天錫純嘏施
於昆仍

欽加五品銜直隸州州判現署蘇州府常熟縣教諭

晚生陸炳章頓首拜撰

生員陶紹唐

生員李肇謨

生員胡希康

世職樓福鑾

庠生陳鳳修

庠生朱光廷

庠生施恩

生員胡乃賡

監生葉肇虞

生員葉維周

貢生胡廷禎

生員王德新

貢生施德升

貢生施濟生

武生胡大猷

武生朱文魁

太學生朱品超

都司朱子秀

廩貢朱成芳


監生尙秀鍾

監生邢鳳鳴

監生施正典

增生陶勳

監生鄭槐標



姪廩生式丹 姪生員丙璋 姪生員式周

弟貢生多 弟監生煥文 姪監生煥東

姪武生文祥 甥婿廩生陶朝瓔

廩貢生候選儒學正堂陳 鍾薰沐頓首敬書

附 晚生活郡便道經過丁川

迪齋先生家內款留數日接見

丹嶂老先生七旬晉四精神矍鑠言論丰采倜儻
不羣且蘭孫繞膝三代一堂積善餘慶其在是乎
爰撰俚句二聯以誌景仰並祈

斧政

訪道丁川有隱賢晚同松柏節彌堅催耕課讀成

嘉俗問水尋山樂自天

九疇五福壽居先瓜瓞綿延亦美然子也生孫孫


又子他年五代祝華筵

婺東晚生盧采邦拜

附 德教有方恩深桃李

古希克享慶溢芝蘭

受業姪廩生式丹拜



○行文七百考名汝霖公傳

人生處世有二字格言曰勤與儉有兩行正路曰

讀與耕又有孝悌忠信以立其本之數者

愚

之東

翁太學生汝霖公足以當此而無愧焉翁生平務農手創家業至晚年田連阡陌屋美輪奐一村之中稱爲大有性愛讀書延師課子始終不倦若周覲揚鄭選青陳士風梅炳照諸先達先後館其家主賓相得歡若平生泊丁酉戊戌

愚

忝居西席數

年之間情文兼至多其雅度殆有士君子風翁堂

上椿萱並壽爲能左右就養無方始終猶如一日
友愛荆萼恒念鞠哀天性之間怡如也而且情懷
慷慨樂善好施代人借款賠洋四五白元而不形
德色奉外祖祀撥田壹百四十把而絕無吝情議
建獨峰書院踴躍倡捐院董往來皆以翁爲東道
主而未嘗有倦容其餘創造特祠董其事者積其
帑興成禰廟慎其終者申其情此皆翁之卓卓在
人耳目者翁享年六旬有九元配陳氏淑慎溫良
續配梅氏三配陳氏均有大家風範男共有三長

明坤次獻福國學生卽愚賢契三明漢孫男現六
建芝鍾榮鍾材鍾儒鍾麟鍾成玄孫丙甲俱能克
勤克儉秀讀樸耕其繁昌正猶未艾焉茲當華乘
重梓聊舉巔末以爲翁傳

龍飛宣統元年歲官己酉

月

穀旦

通家

弟

廩貢生聯輝麻官卿拜撰

○行遠九百三十八南山公行畧

洽前丁姓鉅族抑望族也考其世系二十餘傳稽

其丁口二千有奇人文蔚起代不乏人以勲業著

以道學傳昭昭史冊景仰前徽明德之裔均皆彰

明而較著獨其間有隱君子如邱松籌號南山者

世居邑城不染紛華之習書香累葉甘爲農圃之

儔鑿井耕田嘗自食力初與胞弟同筆硯悟通文

理人皆推爲難兄難弟厥後以勤理家政志焉未

逮援例而入太學迨陳邑尊仲虞从蒞茲土深服

丁巳年詩卷二十一
翁之爲人勸翁賑捐順直加以貢樹飄香因贈翁
以長厚可風匾之額云夫仲虞賢令尹也心賞翁
之爲人其爲君子人可知矣今年八十有三而康
健自如亦翁隱德之報若其廣置田園男婚女嫁
各盡父職此世俗之所爲無關盛德純修何庸贅
述茲值盛族重修華乘爰述翁之實跡以表翁之
隱德而垂諸不朽云爾

皇清宣統元年

蒲月

下浣

穀旦

歲進士欽獎六品銜亮卿李廷燹拜撰

○行文九百七十五公號迪齋官名煥猷傳

余婺州人也宦遊括州偶經五雲笕川適無心相
遇迪齋翁於旅次詢之則爲煥猷先生者與之清
談數語情意相孚余知其非常人暗有依依不舍
者翁卽延之家殺雞爲黍而食之見其二子焉欸
待甚隆已而村叟來問審曰異哉此翁亦學堪輿
隱懷廓樸爲母之事苦無閑導之人今先生萍踪
偶合眞天假之緣豈非我翁孝親之報歟翁平生
正直無私而且樂善不倦尊祖敬宗敦倫睦族皆

本於天性之自然者也予聞而異之曰此洵誠實
君子也翁行年已踰杖鄉則當以師事之矣予不
文爰不辭鄙陋聊作五古相贈以抒企慕之忱爰
爲之咏曰 括倉多秀靈笕水鍾祥久老翁居其
間天姿厚稟受長大事詩書胸中探二酉矢志采
芣芹催耕樂南畝學成習青烏山水勞奔走書地
卜牛眠情願安父母勤勞積公帑羣推爲領首族
稱司理賢無異董狐手閭里息紛爭家庭弗敢苟
親朋戚友敦曰予有旨酒和氣能致祥貽謀在德

厚更有內助賢續紘成嘉偶井曰恒自操諳性事
姑舅數枝蓀挺先一鳳巢其右雅看甲子週定必
庚申守善人慶彌長以此介糜壽茲值華乘重修
告竣翁預理校正事予不憚謏陋敢伸鄙悃以矢
弗諉焉云爾

皇清宣統元年歲次己酉小陽月中浣 穀旦

婺東郡庠生盧采邦拜撰

○行遠九百廿七公傳

天生萬物惟人最靈而爲人之要務莫先乎興家
立業飭行敦倫以無虧厥職者也而特能之者卒
鮮焉惟我太公名賢清字邦禮若有以肖之矣跡
其生平恪守祖風敬承父道處兄弟間怡怡和悅
與親輩族抑々溫恭則敦倫其無愧也立身安分
守己不艷富欺貧不抑孤凌弱一遇里黨紛爭廟
橋捐輸卽挺身爲之排解勸助則飭行其無譏也
而且率督子弟披星戴月辛勤耕作幸得置田建

宇宴賓款客各無厭心則興家立業其有基而勿
壞也而凡素所優爲者尤不勝數也幸得內助太
妣梅氏出自名門幽間貞靜若有大家風古云鹿
車共挽而舉案齊眉亦堪嬾美也享年並臻耄耄
豈非天錫以遐齡哉育男有三長鳳堯次鳳雍卽
予子之親翁也三鳳坤兄弟皆能恪守家風而無
所違逆長媳周氏次蔣氏三劉氏俱克嫻婦道而
致其敬恭孫男六皆頭角崢嶸聰明款悟當非等
於尋常也此非皆太公爲人之所致歟茲當華乘

重修


愚

不揣謏陋特將俚句數語以表太公之爲

人云耳


龍飛宣統元年歲次己酉菊月上浣 穀旦

姻弟貢生盛堂李師臬拜撰



Faint vertical text columns, possibly bleed-through from the reverse side of the page, containing characters such as 敬, 求, 實, 主, 德, 嗣, 德, 家, 勝, 誠.

○行善七登仕郎揚眉翁序畧




姻翁揚眉字昂青日明公之孫學而公之子也由
邑前世遷名山金梅亭庄現年七十有二例授登
佐仕郎配朱氏白髮偕老教五子實氏齊芳令媛
桂窟分香慈孫蘭堦競秀濟乚一堂大倫聚樂茂
以加矣翁之自視欲然也其令範殊堪紀美也爲
憶翁一生事爲也小事詩書師友咸歌有造長習
稼圃事畜恒羨無虧俄而歲云邁矣若考作室堂
構相繩有子克家南東其畝迨貨財殖而生齒繁

不驕不吝安太樸風其勤以補拙儉而養廉也有
然爲憶翁一生行誼也人則祇父恭兄宗族鄉黨
無間言出則睦姻任卹輕約重周古君子排難解
紛守不阿志慷慨好施未有艾也若丙戌倡建福
善堂庚子爲修城東路晚與共事之目見心力俱
殫也其忠以與謀厚而有濟也有然爲憶翁一生
品節也取與必明惠廉無傷一介言笑不苟交際
夙慄二緘彼夫雙潭之爲堰長舒渡之爲橋首宗
祠爲董其常族譜爲監其理以及鄉社積義家倉

塾課名教坦然以公心處之正其誼不謀不利計
其事勿圖其功悠悠畢世其和而不同乎而不陂
也有然今其華譜重修厥子夢橋夢樞與交日久
觀其經營有方家聲丕振成均並慶祖德爭光翁
之善作而有善述也緣不揣陋心焉慕之畧爲紀
之焉爾

皇清宣統元年歲次己酉小陽 下浣 穀旦

由附貢例入翰林院待詔呂錫蕃拜撰



恭祝

昂青丁老年伯大人七旬就職榮慶

濟畧美才側陋揚昂昂治續裕農桑傳家有道勤
和儉處世無竒買與商就列縉紳徵輒發句開雲
路引鞭長揮毫藉慰從龍客醉把豪歌學楚狂
揚和得會展長眉青甸安閑只自知撫囊稍餘惟
慕義懷才何往不乘時朝端重望膺三錫膝下承
歡毓五枝且躋華堂稱兕祝聊將簡命譜幽詩

愚晚姪

邑庠生應潤珊

太學生應桂新

邑庠生胡春舫

邑庠生詹體元

太學生何子欽

邑庠生柯芝玉

邑庠生徐寅

太學生胡翠山

太學生胡岐山

皇清宣統元年歲次

仝頓首拜

